



UPA 2026/8

22/4-2026

Margrethe Thårup Andersen

Inatsisartut ilassutitut aningaasaliissutitut inatsisissaannut siunnersuut 2025.

(Aningaasaqarnermut Naalakkersuisoq)

(Siullermeerneqarnera)

Qujanaq Naalakkersuisunut ilassutitut aningaasaliissutitut inatsisissamut 2025 siunnersuummut saqqummiussaannut.

Illassutitut aningaasaliissutitut inatsisissami ersersinneqarput aalajangikkat, ukiup ingerlanerani pereersimasut, aammalu taamaattumik allanngortissinnaajunnaareersimasagut.

Demokraatinut pingaartuuvoq, aningaasaqarnikkut akisussaassuseqarnerup tamatigut qitiutittuarnissaa. Paasisinnaavarput, naatsorsuutiginnngisanik aningaasartuutitik takkuttoqarsinnaasartoq, imaalissanngilarli, ilassutitut aningaasaliissutitut aningaasaqarnermut aqutsinermut aalajangersimasumik naatsorsuutaasumillu ilaalissasut.

Suliami tigussaasumi paasivarput, ilassutitut aningaasaliissutitut akuerineqarsimasut DAU-inerana 4,3 mio. koruuninik ajorseriartissimagaat, tassa ima kinguneqarluni, aningaasartuutissanut killigisitaq 3,4 mio. koruuninik sipporneqarsimalluni aammalu amigartoorut tamarmiusoq maannakkut naatsorsuutaalermat 126,4 mio. koruuninik annertutigissasoq.

Tamanna naammaginngilaq.

Taamaattumik Demokraatiniit Naalakkersuisut kaammattussavagut ilassutitut aningaasaliinissamut annertunerusumik tunuarsimaalaaqqullugit qulakkeerlugulu, aatsaat atorineqartassasut, pisariaqarluinnartunut ilimaginnngisanullu pisariaqartitsinernut.

Taamatut oqaaseqaateqarluta Demokraatiniit siunnersuut akuereqqullugu innersuusutigaarput aammalu Aningaasaqarnermut- aamma Akileraartarnermullu ataatsimiititaliami suliareqqitassanngorlugulu.